

三
國
志
考
證

三國志攷證卷三

吳江 潘睂 稚安 著

魏書 三

董卓傳

從中郎將張奭征并州有功拜郎中

後漢書云從張奭擊漢陽叛羌破之拜郎中漢陽在涼州
此并州誤

西拒遂於望垣硤北爲羌胡數萬人所圍

西拒遂句絕時張溫別使卓討先零羌於望垣硤北爲羌
胡所圍韓遂自在榆中非拒遂於望垣硤北也榆中屬金

城郡望垣屬漢陽郡

注潰癰雖痛勝於養肉

後漢書作潰癰雖痛勝於肉食內食猶言內陷當從之

注屯顯陽苑

顯陽苑延熹二年造見後漢書桓帝本紀

注共攻殺苗於朱爵闕下

古今注永平二年十一月初作北宮朱爵南司馬門百官志北宮朱爵司馬主南掖門漢官典職曰偃師去洛四十里望朱爵闕其上鬱然與天連朱爵闕北宮之南門也時袁術與吳匡燒南宮九龍門欲脅出張讓等讓等將太

后天子及陳留王從複道走北宮何苗袁紹屯北宮朱儁
闕下吳匡等遂引兵攻殺苗于闕下

注邊章韓約有書來

韓約卽韓遂獻帝春秋曰隴西以愛憎露布冠韓約邊允
名以爲賊州購約允各千戶侯約允被購約改爲遂允改
爲章

卓至西京爲太師

漢制三公之上惟有太傅爲上公無太師應劭漢官儀曰
太師古官也平帝元年孔光以太傅見授詔太師無朝十
日一賜餐賜靈壽杖省中施坐置几太師入省中用杖自

是而闕至卓自尊爲太師位在太傅上

後漢書云位在諸侯王上

招呼三臺尙書以下

應劭漢官儀尙書爲中臺御史爲憲臺謁者爲外臺是謂三臺

注山陽公載記義真服未乎 張璠漢記義真怖未乎

後漢書作義真憊未乎憊古服字

築郿塢高與長安城埒

按長安城高三丈五尺

見三輔黃圖

章懷太子注郿塢舊基高

一丈周迴一里一百步依章懷說塢僅高一丈不能與長安城埒蓋章懷所見者唐時故基非卓時之丈尺也當時

實高三丈五尺與長安城正相等范史云高厚七丈號萬歲塢其塢高三丈五尺厚亦三丈五尺故曰高厚七丈也故太尉張溫

漢官儀曰張溫字伯慎穰人也封元鄉侯

資武傳注引

大會未央殿

未央宮之殿載在長安志者甚多此指前殿路寢見諸侯羣臣處也

主簿田景

後漢書作田儀

注後遷巴東太守

按蔡邕以初平三年卒時尙未有巴東郡當依范史作巴郡太守至建安六年始分巴郡爲巴東巴西二郡邕已沒九年矣

倪雲莊

傳

曰此條辨蔡邕未爲巴東太守甚當但巴東巴

西旣在建安六年始分置則魏武帝紀云建安二十年於是分巴郡以胡爲巴東太守漢爲巴西太守亦誤也是年張魯初降張郃別督諸軍降巴東巴西二郡可知巴東巴西前已置郡不因以朴胡杜濩爲太守始立而帝紀以爲於是始分其誤顯然附辨於此與細心讀史者商之

注

幸黃白城

黃白城在池陽時李傕封池陽侯故欲帝幸黃白城

注拜傕爲大司馬在三公之右

大司馬卽太尉旣改大司馬爲太尉又置大司馬在太尉之上非古制也

注出宣平門當度橋

按三輔黃圖宣平門外有飲馬橋

袁紹傳

注京子陽太尉

陽當作湯孝桓帝紀司空袁湯爲司徒又司徒袁湯爲太尉又太尉袁湯免字並作湯

注平第成左中郎將

左中郎將後漢書作五官中郎將

從事趙浮程奐

程奐後漢書作程渙

卽表授爲監軍奮威將軍

奮威後漢書作奮武按前漢任千秋爲奮威將軍漢末魏武行奮武將軍奮威奮武皆有未知孰是

注左髮丈八

張燕傳注引張璠漢記後漢書朱雋袁紹傳皆作左髭丈八此作左髮字之誤也此是一種賊號漢記謂左校郭大

賢左髭丈八三部蓋左校一部郭大賢一部左髭丈八一
部

注青牛角

青字誤當爲張

朱雋袁紹傳同

張燕本姓褚以冒牛角姓爲張故

張燕傳及章懷後漢書注引九州春秋並云博陵張牛角
注身被梟縣之戮妻孥受灰滅之咎

身下脫首字文選作身首被梟縣之戮當增入

注檣發石也

春秋正義賈逵以檣爲發石一曰飛石引范蠡兵法作飛
石之事證之釋文云檣說文作檣建大木置石其上發機

以碓敵按今說文作檐在戶部與釋文所引異

七年憂死

魏志載荀文若沮董昭等九錫議太祖心不能平或以憂薨裴注引傅子言明帝疏劉子揚遂發狂以憂死兩處憂字不誤此傳云七年憂死憂乃夏字之譌紹以夏五月死見武帝紀

自二月至九月大戰城下

按紹以五月死公征譚尙在是年九月至明年三月乃大破之此二月至九月倒誤當作自九月至明年三月後漢書作自九月至明年二月較明析然二月亦誤蓋以三月

破之夏四月進軍鄴五月還許也

注未若文公之忿曹

文公後漢書作太公章懷注言太公者尊之謂紹也此作文公誤

其將呂曠呂詳

呂詳當依後漢書作高翔武帝紀亦誤

尙還走濫口

後漢書作藍口李賢注相州安陽縣界有藍嵯山與鄴相近蓋藍山之口眉按藍濫古字通郡國志東海昌慮有藍鄉劉昭注引左傳昭三十一年邾黑肱以濫來奔濫卽藍

鄉也濫口之濫音藍

注熙曰頭顱方行萬里

此公孫康語熙字誤當作康曰

注熙字顯奕

顯奕後漢書作顯雍雍熙字義相應此奕字誤

注奉養兄姊宗族稱孝悌焉

章懷引先賢行狀作宗族稱弟焉旣云奉養兄姊則章懷所引爲得其實孝字衍

袁術傳

注乃建號稱仲氏

後漢書作仲家

奔其部曲雷薄陳蘭

雷薄劉馥傳作雷緒陳蘭後漢書作陳簡

劉表傳

以大將軍掾爲北軍中候

凡軍皆有候南軍領於衛尉其候官名衛候北軍領於中
壘校尉其候官名中候南軍不屬中尉惟北軍屬中尉故
但有北軍中候而無南軍中候或稱中候或稱軍中候或
稱北軍中候或稱北軍軍中候

注誘宗賊至者五十五人

後漢書作十五人

注張羨先作零陵桂陽長

縣官千石至六百石稱令五百石稱長長爲令之次零陵桂陽皆荊州郡此長字誤也章懷太子引英雄記作零陵桂陽守當依之

呂布傳

爲騎都尉

後漢書云以弓馬驍武給并州刺史丁原爲騎都尉原屯河內以布爲主簿劉放刊誤曰下原字合在上原字下蓋原爲騎都尉以布爲主簿也按刊誤說是也刺史屬吏惟

有主簿功曹簿曹書佐等騎都尉秩比二千石非刺史所得置呂布爲騎都尉在殺丁原後此時未得爲也後漢書誤移原字在爲騎都尉下此傳并脫去原字當補入

布與卓侍婢私通

後漢書呂布傳及王允傳皆作與傅婢情通侍婢與傅婢同無誤字

汪芝亭

繼熊

曰李長吉呂將軍歌榼榼銀龜搖白馬傳粉

女郎大旗下殆卽世所傳貂蟬也

允以布爲奮威將軍

奮威當爲奮武宋書百官志奮武將軍漢末呂布爲之

後漢

書亦誤

注謂楊曰布卿州里也

布五原人張楊雲中人五原雲中皆并州郡

張邈傳

注尙獻帝初爲兗州刺史東之郡

劉放曰刺史不當言郡蓋是部字也

陳元龍湖海之士

世說補引云陳元龍淮海之士疑明人所見善本三國志湖海爲淮海故所引如此元龍下邳人作淮海是也

臧洪傳

魏書爲董卓立傳兼及李傕郭汜者叙亡漢之原委爲二
袁劉表呂布張邈公孫瓚陶謙張楊公孫度張燕張繡張
魯立傳者叙同時割據魏武兼并之始末若臧洪始爲張
超功曹後袁紹徙爲東郡太守太祖圍張超洪請救不得
怨紹爲紹所破殺未與太祖交兵其人與魏事無涉在魏
書中當爲附傳不應立專傳觀其初爲盟詞曰漢室不幸
皇綱失統及爲紹所執又曰王室衰弱無扶翼之意蓋漢
末義烈之士漢書立專傳宜也

公孫瓚傳

故太守器之以女妻焉

章懷引魏志曰侯太守妻之以女

假瓚都督行事傳

釋名傳轉也轉移所在執以爲信也後漢書申屠蟠傳爲
封傳護送注傳謂符牒陳蕃傳投傳而去注傳符也

紹使周昂奪其處

後漢書作周昕周昕周昂之弟

拜左渡遼將軍封亭侯

鮮于輔封南昌亭侯見魏公卿上尊號奏碑武帝十八年紀注作昌鄉

亭侯誤

文帝踐阼拜輔虎牙將軍

據公卿上尊號奏稱虎牙將軍南昌亭侯臣輔輔在延康
中已爲虎牙將軍傳謨

陶謙傳

注除舒令郡守張磐

郡守廬江太守也

注欲以臧之

六書正譌云吏受賕曰臧漢書凡臧字並作臧臧正字

下邳闕宣

後漢書作閭宣誤

謙退守剡

三國志五十四卷三
刻字誤當爲鄉

張楊傳

注趙融馮芳爲助軍校尉

助軍有左右校尉時趙融爲助軍左校尉馮芳爲助軍右校尉

公孫度傳

注五部蠻夷

晉書匈奴傳云建安中魏武帝始分其衆爲五部其左部都尉所統可萬餘落居於太原故茲氏縣右部都尉可六千餘落居祁縣南部都尉可三千餘落居蒲子縣北部都

尉可四千餘落居新興縣中部都尉可六千餘落居太陵縣

諸軍進至首山

首山在今遼陽州西南十五里接海城縣界

遼東帶方樂浪元菟

遼東樂浪元菟皆漢故郡帶方本樂浪屬縣東夷傳云建安中公孫康分屯有縣以南荒地爲帶方郡晉書地理志云公孫度置誤

張燕傳

燕剽捍捷速過人

捍與悍訓勇者異義史記貨殖傳雕捍少慮注云如雕性
之捷捍卽此捍字

注
羝根苦蝸大洪司隸緣城羅市

按九州春秋羝根典畧作于羝根范史朱雋傳作于氏根
氏與羝通或稱羝或稱于羝聲有緩急如於越爲越其實
一也後漢書苦蝸作苦晒大洪作大計緣城作掾哉而無
羅市

張魯傳

張魯字公祺

後漢書劉焉傳云魯字公旗

祖父陵客蜀學道鵠鳴山中造作道書

宋濂漢天師世家叙云道陵字輔漢建武十年生於吳之天目山暨長博習羣書中直言極諫科拜巴郡江州令棄官隱洛陽北邙山脩煉形之術章帝以博士徵不赴和帝卽位召爲太傅封冀侯亦不就乃杖策游淮入鄱陽上龍虎山合九天神丹訪西山源獲制命五嶽攝召萬靈及神虎秘文於壁魯洞俄往嵩山石室得黃帝九鼎丹書及道旣成聞巴蜀沴氣爲人蓄銳意入蜀初居陽平山遷鵠鳴山感元元老君屢受以經籙之法於是分形示化復立二十四治增以四治以應二十八宿妖厲爲之衰熄如發蠱

泉破鬼城之事甚多不能備載永壽二年復遷渠亭山出
三五斬邪雌雄劔二陽平治都功印一授天師衡使世世
相傳乃乘雲上升壽蓋一百二十又三云眉按法苑珠林
破邪篇亦云沛人張陵客遊蜀土聞古老相傳昔漢高祖
應二十四氣祭二十四壇遂王有天下陵遂殺牛祭祀二
十四所置以土壇戴以艸屋稱二十四治治館之興始于
此也二十三所在蜀地尹喜一所在咸陽
從受道者出五斗米

是時從受道者類皆兵民脅從無知名之士至晉世則沿
及士大夫矣如何充傳云郝愔及弟雲奉天師道王羲之

傳云王氏世事張氏五斗米道凝之彌篤孫恩之亂凝之入靖室請禱出語將佐曰吾已請大道許鬼兵相助賊自破矣遂爲孫恩所害孫恩傳言恩世奉五斗米道殷仲堪傳云仲堪少奉天師道桓元來攻猶勤請禱終爲追兵所獲逼令自殺王恭傳云虞珖子妻裴氏有服食之術常衣黃衣狀如天師王道子甚悅之法苑珠林破邪篇載晉程道惠世奉五斗米道常云古來正道莫踰李老惟不立鬼卒鬼吏祭酒姦令祭酒治頭大祭酒諸名耳

子衡行其道

天師世家衡字靈真有長材詔徵黃門侍郎避隱居陽平

山誓以忠孝導民君子謂其有繼宗開緒納俗安善之功
衡生京師

不如依杜灌

杜灌當爲杜濩

封魯五子

按魯五子見於本傳者一人名富襲爵爲閭中侯見於宋
濂天師世家叙者一人名盛字元宗魏太祖封都亭侯弗
受始自漢中還就龍虎山創三元日升壇受籙見於太平
御覽五百十八引魏志者一人名廣字嗣宗魯第二子也魯雅
爲魏武所寵諸子未勝纓並遣中使拜授官爵今魏志無此文餘

未詳

及閭圃等皆爲列侯

閭圃初封亭侯勸進表稱平樂亭侯是也黃初中進封鄉侯晉書閭續傳稱圃封平樂鄉侯是也

爲子彭祖取魯女

彭祖燕王宇字御覽

五百十八

引南鄭城碑云位尊上將體極

人臣五子十室榮並爵均童年嬰稚抱拜王人命婚帝族或尙或嬪蓋謂此也

夏侯惇傳

二十四年太祖軍擊破呂布軍摩陂

呂布係關羽之譌攷呂布在建安三年禽殺至此年已越二十一年非呂布明矣是年徐晃攻關羽破之王軍於摩陂

拜前將軍

後漢建武七年省前將軍至魏國建始復置倅拜此職魏官也

夏侯淵傳

擊破南山賊劉雄

雄下脫鳴字魏畧曰劉雄鳴有眾數千人太祖遣夏侯淵討破之雄鳴南奔漢中又太平御覽五十引魏畧亦作劉雄

鳴是時人無雙名劉雄鳴係賊號如飛燕白騎之類耳

二十一年

當爲二十年衍一字下載擊武都氏及征張魯事並在二十年

注進至興世圍

興世當爲興勢

曹仁傳

從攻費華卽墨開陽

前漢華縣屬泰山郡中興省費縣屬東海郡中興移屬泰山郡此傳云從攻費華漢末泰山復置華縣也攷泰山都

尉孔宙碑陰有華縣時爲延熹七年知華縣在孝桓以前
置魏志臧霸泰山華人霸父戒爲華縣獄掾太守令收戒
詣府霸徑於費西山中要奪之費華鄰縣也 卽墨誤當
依錢少詹攷異作卽邱

紹遣別將韓荀

韓荀當爲韓莫見荀攸傳

曹洪傳

破表別將於舞陽陰葉堵陽博望

舞陽當爲舞陰攷後漢舞陽省入辰陽時無舞陽也舞陰
陰葉堵陽博望皆南陽邑武帝紀建安二年曹洪屯葉數

爲繡表所侵公自南征至宛生禽表將鄧濟攻舞陰下之
卽在是時

曹休傳

遷征東將軍領揚州刺史進封安陽鄉侯

按公卿上尊號奏云使持節行都督督軍領揚州刺史征
東將軍安陽鄉侯臣休延康中所署官爵已如此本傳載
在黃初三年後似當以碑爲正

曹真傳

注臣松之案真父名邵真封邵陵侯若非書誤則事不可論
邵陵侯之邵从邑旁真父名邵字當爲召召字伯南取召

南之義然邵召字本通

曹爽傳

注當顧柏人彭亡之文故用低徊

是時曹爽薦司馬懿爲太傅大司馬詔言先帝本欲以懿爲大司馬今爽薦之合先帝本旨又言先帝纖芥細疑不足爲忌當顧柏人彭亡之文故用低徊有意未遂玩此詔旨蓋謂懿姓司馬氏今若拜大司馬則司馬氏加大名嫌於逼上近柏人彭亡之譏亦非所以安司馬氏也故但拜太傅不拜大司馬

作窟室綺疏四周

按酈道元云永寧寺其地是曹爽故宅熙平元年立寺經始之日於寺院西南隅得爽窟室下入地可丈許地壁悉罅方石砌之石作細密都無所毀其石悉入法用自非曹爽庸匠亦難復制此可想見其靡麗

根據槃牙

牙字誤當爲𦐇𦐇卽互字吳志陸瑁傳九域槃牙同

王淩溪

肇和

曰經史中𦐇字每譌作牙易大畜豶豕之牙

鄭讀爲互牙亦𦐇字後漢書滕撫傳槃牙連歲謝承後漢書中官黃門槃牙境界晉書桓溫傳強蠻盤牙南齊書謝超宗傳沈浮牙見梁書安成王秀傳牙相譏毀魏書出帝

紀牙窺上國並牙字之譌陳祥道禮書云互牙古字通用
顏師古注劉向傳宗族磐互云磐結而交互也字或作牙
謂若犬牙相交入之意此爲曲說釋磐牙尙可釋牙見牙
和牙窺斷不能通矣

罷爽義訓吏兵以侯就第

按爽封武安侯見本傳羲封安鄉侯見傳元贈馬鈞序訓
侯爵未詳

注從闕下趣武庫當爽門

攷晉書曹爽府第在武庫之南故宣王欲趣武庫正當爽
門後楊駿居之亦敗

注 二狗崖柴不可當

崖柴與噉喋通集韻犬鬬也

注 廳事前屠蘇壤

屠蘇與屠麻通廣雅屠麻庵也服虔通俗文屋平曰屠蘇
邵子山堂曰攷屠蘇有二解一是帽類晉元康中商農通
著大障日時童謠曰屠蘇障日覆兩耳吳威結客少年場
行插腰銅七首障日錦屠蘇是也一是平屋名魚綦魏畧
云李勝爲河南尹廳事前屠蘇壤及杜甫詩願隨金駉裏
走置錦屠麻是也

夏侯尚傳

注贈征南大將軍昌陵侯印綬

昌陵下脫鄉字

夏侯元傳

自州郡中正

昔陳勝爲楚王以朱房爲中正中正之設由來舊矣魏陳羣始立九品之制郡制中正評次人才之高下各爲輩目司馬宣王除九品置大中正太初此論當在是時發也

注徑入雲龍門

雲龍門魏明帝建見晉書楊駿傳水經注雲龍門衡枕之上皆刻雲龍風虎之狀以火齊薄之及

其晨光初起夕景斜輝霜文翠照陸離眩目

有和印相笏經

相印經今失傳相笏經載御覽六百九十三其書叙出自蕭何

東方朔見而喜之魏陳長文以示許士宗云云當亦六朝
人手定非漢世舊經也其法取五行尋四時定八節明二
十四時版長一尺五寸廣一寸五分上狹而薄下廣而厚
八角十二芒欲端平完淨版舊用白直檀刺榆桑竹四材
理通直從上至下直如絃不得出邊絕理版頭是君座版
頭不如法與君共事必不得中作四分上一分爲二親左
父右母第二分都爲婦第三分左男右女第四分左奴右
婢若其處傷踢破裂燭穿非隨所屬必損失死亡版兩邊

左爲城右爲社寬博文采斑斑光澤清淨必得封邑此大畧也

三國志攷證卷四

吳江 潘釗 稚安 著

魏書

四

荀彧傳

荀彧

袁宏漢紀彧作郁彧郁古字通

永漢元年

永漢元年者中平六年也是年四月靈帝崩皇子辯卽皇帝位改元爲光熹八月改光熹爲昭寧九月董卓廢帝爲宏農王獻帝卽位改昭寧爲永漢十二月詔除光熹昭寧

永漢三號還復中平六年於史例當書中平六年又按御

覽

一百九十六

續漢書獻帝紀書昭寧元年亦卽中平六年也

拜守宮令

守宮令少府卿屬員六百石司馬彪曰主御紙筆墨尚書財用諸物及封泥

或弟諶

後注引荀氏家傳云或第四兄諶此弟字誤當爲兄

以爲司馬

後漢書謂之奮武司馬時太祖爲奮武將軍故爲奮武司馬明年太祖爲鎮東將軍或常以司馬從范史又謂之鎮

東司馬

任或留事

後漢書作使或守鄆城任以留事較明晰

進或爲漢侍中守尚書令

太書漢侍中是特筆

注
衡擊爲漁陽參撾

參撾猶參槌是擊鼓之法參音七甘反其曲又謂之漁陽
參參音七紺反王僧孺詩散度廣陵音參寫漁陽曲此參
字與參撾之參不同向來讀者誤泥參撾之參爲曲奏名
以至紛紛聚訟迄無定解

注
衡反辱孤

御覽

五百八十二

引後漢書衡反辱孤句下有衡對曰不敢以

先王之法服爲伶倫之衣今後漢書無此二句裴松之引
文士傳亦無唐書李綱傳引禍衡曰不敢以先王法服爲
伶人衣疑出謝承書也

表封或爲萬歲亭侯

太平寰宇記

九

新鄭漢舊縣屬河南郡有萬歲亭後漢荀

或封萬歲亭侯于此

注

疇其戶邑

漢書音義疇等也使其後常與先人等也

江
太祖欲表或爲三公

三公當依後漢書作正司時或方守尚書令位在九卿下
不得遽表爲三公章懷云或先守尚書令今欲正除也爲
得其實

南史梁武帝紀云兼尚書右僕射袁昂卽正又云
以行司徒攝川王宏卽正此正字卽正除之義

太祖軍至濡須或疾留壽春以憂薨

按或初平二年年二十九薨年五十建安十七年也本傳
言太祖軍至濡須或疾留壽春以憂薨攷魏武帝紀進軍
濡須口在十八年正月吳主傳亦云十八年正月曹公攻
濡須太祖以十八年正月進軍濡須或薨在後似薨於十
八年矣然下云明年太祖遂爲魏公爲魏公在十八年或

薨實在十七年則此傳言太祖軍至濡須者將往濡須實未至也

明年太祖遂爲魏公矣

或前沮復古九州議後又沮九錫議或薨太祖遂爲魏公是年卽復十四州爲九州

子廋翼

翼音翼

翼當爲廋唐顏廋與職反與翼同音夏侯元傳注引世語散騎常侍荀廋少帝紀中壘將軍昌武亭侯臣廋皆作廋又晉書侯史光傳亦作荀廋翼字向來字書所無

後翼官翼妻等

並當校改

注傳假往嘒祭

嘒與暗通

賈誼傳

注蹈易解之機

後漢書皇甫嵩傳作蹈易駭之機

注今將軍授鉞於初春

當從皇甫嵩傳作授鉞于暮春攷黃巾以中平元年春二
月起兵嵩以三月討之此作初春者誤也

注屠三十六萬方

萬字當衍黃巾置三十六方方猶將軍號也大方萬餘人

小方六七千各立渠帥或衍方字亦通說見後

注赤壁之敗 凱風自南用成焚如之勢

松之此二句足證唐人東風之誤

小子訪長子穆詡薨子穆嗣穆薨子模嗣注世語曰模子允

允弟龕從弟疋

按唐書宰相世系表載賈詡子孫與本傳不合當以本傳為正今分圖世系于左

穆駙馬都尉 模晉散騎常侍 允
歷位郡守 護軍校尉 龕

詡太尉魏
壽鄉侯

訪列侯邑
二百戶




疋

右依本傳及世語

詡魏太尉

璣駙馬都尉



右依唐書宰相世系表

晉書賈正傳云魏太尉詡之曾孫與世語合唐書世系表

云通字字今本作子誤仲達仲達生正然駙馬都尉名穆而誤以

為璣穆之子名模而誤以為通延模之子名九名龜而誤

以為正舛謬殊甚

袁渙傳

父滂爲漢司徒

注

滂字公熙

袁滂以光和元年爲司徒二年免袁懷云滂字公喜

田疇傳

自建武以來陷壞斷絕

平剛縣後漢廢故云陷壞斷絕

越白檀之險

白檀亦前漢漁陽郡屬縣後漢廢今云越白檀厯平岡蓋

本其舊名

登白狼堆

白狼堆今名布祜圖山

王脩傳

行司金中郎將

錢少詹攷異曰陳琳爲袁紹檄稱操特置發邱中郎將摸金校尉卽謂此也斜按摸金發邱皆主發掘墳陵搜括金寶此敵國詆斥之詞未必真有其官攷異以司金中郎將當之非也國之所重在於食貨旣立司鹽必設司金太祖與王脩書云先賢之論多以鹽鐵之利足贍軍國之用昔孤初立司金之官念非屈君餘無可者又云使此君沈滯冶官然則司金中郎將蓋冶官也同時蜀漢亦立此官張裔傳云還爲司金中郎將典作農戰之器攷異近不察裴

注遠不放蜀書率臆而言難以示信矣

吳雲璈

鳴鈞

曰韓暨徙監冶謁者在職七年器用充實制

書褒嘆就加司金都尉足證司金是冶官非發邱摸金可
混魏韓暨爲司金都尉猶蜀王連爲司鹽校尉其品秩同
也

邴原傳

注

當以書相分 非若交遊待分而成也

分當爲彡卽介字國語一彡嫡女一彡嫡男古本並作彡
宋庠音彡古拜切一作介

管寧傳

王烈者字彥方

後漢書王烈傳云字彥方章懷注魏志作彥考今魏志作彥方俗本之譌何義門曰北宋本正作者

注相國宣文侯

司馬懿初謚文貞改謚文宣此作宣文侯字倒誤也宣王未爲相國此亦傳子之誤
傳殷鄧艾傳同

注其榻上當膝處皆穿

管寧坐一木榻積五十餘年未嘗箕股其榻上當膝處皆穿據所云則管寧之坐如今之跪

除樂平令

樂平建安初新置縣

遷居任縣 廣平太守

任縣本屬鉅鹿建安十七年移屬魏郡黃初二年分魏郡
西部置廣平郡任縣屬廣平故張珩居任縣而廣平太守
來致羊酒之禮

初昭善史書

史籀所作大篆謂之史書晉衛恒書勢云魏初有鍾胡二
家俱學於劉德升又荀勗立書博士以鍾繇胡昭爲法當
時鍾胡齊名

沈小湄

鼎

曰按楊升庵以爲鍾繇胡昭俱學於劉景升者

誤玉海墨數書勢俱作劉德升

注時構火以自炙

構與篝通史記陳涉世家篝火漢書作構火

崔炎傳

鄉移爲正

何義門云此正疑卽正卒羨卒之正

不其山

其如淳音基續漢志作不期三齊記曰鄭元教授不期山
山下生草土人名康成書帶卽此山也

注時融年十六

攷侯覽捕張儉事在建寧二年融建安十三年見殺年五十六則建寧二年已十七歲矣

注二子年八歲

後漢書本傳云女子年七歲男子年九歲此魏氏春秋但言二子不分言男女又二子不得同是八歲當以後漢書爲是

注世語曰爰兄孫諒字士文荀綽冀州記諒卽爰之孫也二說不同未知孰是唐書宰相世系表爰生諒字士文又以諒爲爰子

徐爽傳

微服還本郡

本郡琅邪國

司馬芝傳

於魯陽山遇賊

山名魯山不名魯陽在魯山之陽邑因名魯陽此當云於
魯陽魯山遇賊

管子區言以積穀爲急

區言之區似當爲匡管子有大匡中匡小匡而無區言

轉廷尉正

前芝遷大理正此岐轉廷尉正大理漢官魏改爲廷尉實

一官也

鍾繇傳

鍾繇字元常

繇音遙史記東越傳繇君丑索隱曰繇音搖吳太伯世家
子周繇立正義曰繇音遙漢書徭役字悉作繇國志亦多
作繇其作徭者後來俗本所改也楊升庵曰鍾繇字元常
者取臯繇陳謨彭厥有常之義今多以繇音由非也晉世
說庾公謂鍾會曰何以久望卿遙遙不至蓋舉其父諱以
嘲之

注
生子觀

後漢書鍾皓傳作瑾

注 覲辟州宰

州宰後漢書作州府

注 繇則迪之孫

孫當爲子迪爲皓之子繇爲迪之子此作迪之孫誤

科律自有減死一等之法

漢元帝初元五年輕殊刑三十四事哀帝建平元年盡四
年輕殊死者刑八十一事其四十二事手殺人皆減死罪
一等著爲常法

華歆傳

注
不可得而疏

句上脫不可得而親五字晉書華表傳以爲不可得貴賤而親疏也

注
表有三子

晉書表有六子麋岑嶠鑒濟簡

注
昆字敬倫

晉書作混字敬倫晉書誤

王朗傳

注
獨與老母共乘一櫓流矢始交便棄櫓就俘

莊子秋水篇梁麗可以衝城司馬彪注梁麗小船也人閒

世篇楸柏桑三圍四圍求高名之麗者斬之司馬彪注亦以麗爲小船櫂卽麗之俗字

王肅傳

白氣經天肅曰此蚩尤之旗也

蚩尤之旗見天文志類彗而曲象旗見則王者征伐四方
又太平御覽廿七引皇覽塚墓記云蚩尤塚在東郡壽張縣
闕城中人常以十月說云每有氣如匹絳自上屬下號曰
蚩尤旗此旗恒有非肅所云也

甘露元年薨

肅年六十四歲

注 恂字子良大有通識

子良晉書作良夫疑此子字衍文大字卽夫字之譌弟愷字君夫

注 虔子康隆

晉書王雅傳云雅王肅曾孫也祖隆然則隆亦肅子疑虔子之子本是弟字

注 薛夏天水人 天水四姓欲共治之 太祖曰漢陽兒輩直欲殺之耳 後歲餘病亡勅其子無還天水

按漢武帝置天水郡明帝永平十七年更名漢陽郡晉復爲天水郡此郡前漢爲天水後漢爲漢陽魏亦爲漢陽晉

復爲天水也薛夏漢末人當爲漢陽人魏畧以爲天水人據晉時郡名追改之然述太祖言則曰漢陽兒輩述其勅子則曰無還天水彼此歧說判若兩地覽者惑焉

蔣濟傳

吾前決謂分半燒船于山陽池中

何義門云分當作扶問切自料大半如此也通鑑注作分半燒船誤睂按上有決謂二字卽自料之詞又讀分作扶問切於義爲複讀平聲者是也

至於民數不過漢時一大郡

皇甫謐帝王世紀漢元始二年民戶口三百二十三萬三

千六百一十二口五千九百一十九萬四千九百七十八
人漢之極盛也後漢孝桓永壽二年戶二千六百七萬九
百六口五千六萬六千八百五十六人及魏人衆之損萬
有一存景元四年與蜀通計民戶九十四萬三千四百二
十三

按魏滅蜀得戶二十八萬是魏止有口五百三十七
六十六萬三千四百二十三戶耳

萬二千八百九十一人正始五年楊威將軍朱照日所上
吳之所領兵戶九十三萬二千推其民數不能多蜀魏矣
徂攷魏據中原戶六十六萬三千四百二十三口四百四
十三萬二千八百八十一耳漢時郡國志所載如汝南戶
四十萬四千四百四十八口二百一十萬七百八十八南

陽戶五十二萬八千五百五十一口二百四十三萬九千六百一十八豫章戶四十萬六千四百九十六口百六十六萬八千九百六漢時一大郡戶至四五十餘萬今以全魏十二州戶僅六十六萬故曰不過漢時一大郡杜恕亦云今大魏奄有十州之地計其戶口不如往昔一州之民

弊勅之民

顏氏家訓弊勅之氏意爲勅卽是敝倦之敝耳張揖呂忱並云支旁作刀劒之刀亦是劓字不知蔣氏自造支旁作筋力之力或借劓字終當音九僞反葛洪要用字苑云敝音九僞反字見廣雅及陳思王集也

劉放傳

涿郡人

放涿郡方城人知者後以本縣封方城侯 太原孫資封

中都侯中都資本縣晉書孫楚孫盛傳並云太原中都人

注楚子洵潁川太守

晉書孫楚傳言洵未仕早終孫盛傳又言父洵潁川太守

孫楚傳誤也

劉馥傳

治芍陂及茹陂七門吳塘諸陂

七門亦竭名漢初所築在今舒城縣七門山下

馥子靖

靖字文恭見水經注

四十

又脩廣戾渠陵大堰水溉灌薊南北

按水經注劉靖以嘉平二年造戾陵堰開車箱渠堰表云
高一丈東西長三十丈南北廣七十餘步其地名戾陵堰
以有燕刺王旦之陵故以戾陵名堰戾陵乃地名傳言戾
渠陵當作戾陵渠文誤倒耳修廣戾陵渠大堰與碑稱戾
陵堰之文合大堰猶陸抗傳大堰諸葛恪傳大堤也何義
門欲以戾渠陵大堰水六字依水經注改戾陵堰車箱渠
嚴冬友侍讀亦襲用其說然竟以他書羈入陳志恐不可

從修廣吳陵渠大竭句絕何嚴兩家以大竭水三字爲句亦失之

司馬朗傳

河內溫人也

朗與司馬芝爲族兄弟

見楊俊傳

芝傳已書河內溫人朗傳但

書支系足矣如夏侯傳書淵從子荀攸傳書或從子袁

術傳書紹從弟皆是其鍾會賀邵傳與此同病

范史袁紹袁術傳兩

書汝南汝陽人亦非也

卒時年四十七

按太祖以建安元年拜司空辟朗爲司空掾朗時年二十

二至建安二十二年卒止有四十三歲傳誤

梁習傳

文帝踐阼復置并州

建安十八年省并入冀州二十年新立新興樂平二郡至
黃初元年復置并州領漢舊郡四新郡二

張既傳

又與夏侯淵宋建別攻臨洮狄道

夏侯淵下脫討字宋建自稱河首平漢王遣夏侯淵討之
屠枹罕斬建卽此宋建也與夏侯淵同討宋建既又別攻
臨洮狄道耳

溫恢傳

畏征南方有變今水生而子孝縣軍

曹仁字子孝時行征南將軍

賈逵傳

州本以御史出監諸郡以六條詔書察長吏二千石以下

按御史當爲刺史此傳寫誤也秦置監御史掌監郡秦之御史卽漢之刺史賈逵言六條詔書察諸郡長吏是言漢制不應以漢世之法屬諸先秦之官知今本作御史者非也六條詔書漢武所制其一條曰強宗豪右田宅踰制以強凌弱以衆暴寡其二條曰二千石不奉詔書遵承典制背公向私旁諂牟利侵漁百姓聚斂爲奸其三條曰二千

石不恤疑獄風厲殺人怒則加罰喜則任賞煩擾苛暴剝戮黎元爲百姓所疾山崩石裂妖祥譌言其四條曰二千石選署不平苟阿所愛蔽賢寵頑其五條曰二千石子弟恃怙榮勢請托所監其六條曰二千石違公下比阿附豪強通行貨賂割損正令凡此六條刺史奉行犯則奏免六條以外刺史不察或有所察過詔反被劾奏者蓋漢刺史惟守六條而已賈逵爲豫州刺史攷其時在延康元年尙承用六條之法自是以後刺史權重或持節都督如杜恕爲幽州刺史加建威將軍使持節護烏丸校尉夏侯尚以平陵鄉侯遷征南將軍領荊州刺史假節都督南方諸軍

事皆總統賦政非止司察之任而已也

封陽里亭侯

水經注瓠子北有都關縣故城縣有羊里亭黃初中賈逵封爲羊里亭侯邑四百戶卽斯亭也詹按水經注作羊里

亭此傳作陽里亭陽羊古字通歐陽鍾鼎文作歐羊

注李孚傳欲以成計

言欲俟其成以計知其多寡

注楊沛傳收螢豆

玉篇螢力刀切豆也廣韻野豆也

注占河南夕陽亭部

亭在女兒山之陽故曰几陽此作夕陽亭誤後漢書楊震傳亦誤

蘇則傳

子怡嗣

怡唐書宰相世系表作恬

杜畿傳

從郎津渡郎音豆

郎津在宏農見許氏說文漢武故事作輿津穆天子傳作

涇津

漸課民畜牝牛草馬

郭璞注爾雅牝馬爲草馬顏師古匡謬正俗牝馬壯健堪

駕乘及軍戎者皆伏皁櫪芻而養之其牝馬唯充蕃字不暇服役常牧于草故稱草馬

又按小馬亦名草馬淮南子馬爲草駒之時跳躍揚蹏翹足而走人不能制高誘曰五尺以下爲駒放在草中故曰草駒法苑珠林以二白驃馬形色無異而復問言誰母誰子然則牝馬小馬皆名草馬畿課民畜草馬二說並通

杜恕傳

今可勿令領兵以專民事

魏世州郡領兵之制創議于司馬朗朗以郡國無蒐狩習戰之備致使天下有土崩之勢因議欲令州郡並置兵以

外備四夷內威不軌至是杜恕欲令州郡勿領兵以安民
豐財二人之論皆揆時度勢經國之要也蓋朗之議建於
建安之初而恕之論發於太和以後所值不同故所規亦
異然恕以爲可勿領兵者惟兗豫司冀而已其荆揚青徐
幽并雍涼諸州皆不能廢兵蓋青徐荆揚與吳接壤幽并
近匈奴雍涼近蜀緣邊諸境尙未能克靖也

注
子寬字務叔

子當爲弟杜恕字務伯弟理字務仲 寬字務叔寬亦恕
弟非子也唐書宰相世系表畿三子恕理寬

鄭渾傳

重去子之法

按零陵先賢傳云漢末多事國用不足產子一歲輒出口錢民多不舉子蓋是時民窮財盡懼出口錢因不舉子鄭渾先課耕桑開稻田令其豐給無不舉育法之善者也

倉慈傳

注不曉作耬犁

齊民要術崔實云漢趙過教民耕殖其法三犁共一牛一人將之下種挽耬皆取備焉日種一頃耬車者下種具也狀如三足犁中置耬斗藏種以牛駕之一人執之且行且搖種乃隨下燉煌人不曉作耬犁故下種功力甚費

張遼傳

本聶壹之後

聶壹見漢書匈奴傳

徐晃傳

絕馬鳴閣道

太平寰宇記馬鳴閣在利州招化縣卽褒斜棧道也諸葛武侯與兄瑾書赤崖以北閣道緣谷一百里其閣梁一頭入山腹一頭立柱於水中又云頃大水暴出赤崖以南橋閣悉壞其地卽馬鳴閣道

李通傳

封建功侯

建功侯名號侯也

注清者不必慎慎者不必清

下句當依汲古本作慎者必自清南監本誤

臧霸傳

敦利城禮東莞觀北海康城陽太守

利城東莞城陽皆新置郡

典韋傳

以滿爲都尉賜爵關內侯

按韋同時諸將如張遼封晉陽侯諡曰剛樂進廣昌亭侯

諡曰威張郃鄭侯諡曰壯徐晃陽平侯諡曰壯李典都亭
侯諡曰愍李通都亭侯諡曰剛臧霸良成侯諡曰威文聘
新野侯諡曰壯許褚牟鄉侯諡曰壯龐憲關門亭侯諡曰
壯典韋雄武壯烈不在遼褚下乃生不封侯沒無追諡非
史傳遺漏則魏朝酬庸之典爲未副焉